

I. Narratio Moysis constitutioni terræ geologis recognitæ  
non adversatur.

Plures hodierni in geologia periti volunt terram primi-  
tus in fusione exstisset, paulatim refrixisse, centrum ejus  
adhuc incandescens esse, primitus herbis et plantis orna-  
tam atque a variis bestiis inhabitatam fuisse, violentes ca-  
taelysmos a longis intervallis subiisse; hasque assertiones  
probant, 1º ex inspectione variarum substantiarum super-  
positarum quæ actionem aquarum evidenter demonstrant;  
2º ex multis fossilibus ubique sparsis, et diversis modis in  
situ terræ positis, inter quæ plurima evidenter pertinentia  
ad species hominibus semper ignotas; 3º ex structura in-  
gentium montium qui e profundo maris, per vehementes  
commotiones prodire debuerunt; 4º ex experientia qua  
constat internum globi calorem eo fieri majorem quo al-  
tius penetratur, etc.

Inter facta allegata quædam negari possunt, ut pote ra-  
tionibus sufficienter probantibus destituta: sic D. Godefroy  
supponit totam materiam creatam fuisse in statu vaporis  
subtilissimi, globos ex refrigeratione formatos fuisse, eo-  
rumque centra prius esse frigida debuisse quam superfi-  
cies. Aliunde, non nisi corticem admodum levem globi no-  
stri cognoscimus: ergo merito concludere non possumus,  
ex observatis, ad realem centri ejus statum. Ad explicanda  
facta non dubia, ut variæ species substantiarum super-  
positarum, permulta vegetalium et animalium fragmenta,  
apertissima signa mare continentia et altissimos montes  
cooperuisse, etc., diversa excogitata sunt systemata.

1º Quidam dicunt globum terrestrem e manibus Creato-  
ris prodiiisse cum signis vetustatis in eo impressis. Certe  
hujusmodi creatio potestatem Dei non excedit, sed repu-  
gnat supremæ veracitatì Dei qui homines positivis argu-  
mentis deducere videretur in errorem.

2º Alii non pauci crediderunt formationes terrenas pra-  
sentiam maris et magnas commotiones attestantes, cun-  
taque fossilia per diluvium a Moyse descriptum explicari  
posse. At communiter hoc sistema a peritis nunc rejicitur

ut insufficiens, ruit enim in conspectu multorum geologiæ  
factorum nuper observatorum, sibi concordantium, et  
cataelysmos diluvio a Moyse descripto longe anteriores  
supponentium. Insuper legibus physicæ et chymiaæ notis  
adversatur, v. g. circa corporum dissolutionem, etc.

3º Alii dicunt per dies creationis a Moyse numeratas,  
intelligendas esse epochas plus minusve longas. Non insolitum  
est, aiunt, apud Judaeos, verbum *dū m̄ sumi* ad ex-  
primendum *tempus indefinitum*, quod in casu præsenti  
rationes intrinsecæ factum fuisse probant. Etenim, sol diem  
et noctem dividens non existebat ante diem quartum, juxta  
narrationem Moysis. Quinto die producta sunt reptilia,  
volatilia, cetæ grandia, omnis anima vivens et in aqua mota-  
bilis; deinde, bestiæ terræ, et tandem homo qui super  
omnem creationem dominaretur. Terra, inquit, longe  
ante creationem hominis exstitit: aquæ eam totam coope-  
ruerunt; se postea dividentes, formaverunt maria, et ap-  
paruit arida. Arida produxit herbas virentes, plantas et  
ligna. Reptilia, volatilia, pisces, conchæ omnis generis  
ex aquis divina Creatoris actione prodierunt: *Fecit Deus  
bestias terræ juxta species suas, et jumenta et omne reptile  
terræ in genere suo* (Gen. 1, 15).

Globo terrestri sic formato et habitato, vi interna no-  
bis ignota vehementissime commoto, montes e profundo  
maris fuerunt elevati, aquæ maris versus alia loca fortiter  
pulsæ, nova constituerunt maria, novas relinquendo plagas  
exuviis maris refertas. Bestiæ terræ et plantæ commotio-  
nibus turbatae et avulsæ, aquis subito involutæ, præcipitatae  
fuerunt, modo promiscue, modo separatim, juxta varias  
directiones. Hinc contigit quod in situ terræ, sub diversis  
materiarum speciebus, reperiantur fossilia concharum,  
piscium, reptilium, vegetalium, bestiarum, etiam specie-  
rum in terra et in mari non existentium: intra ea autem  
nulla inveniuntur humana vestigia, scilicet neque ossa,  
neque ulla humanæ industriae objecta. Nonne talis absentia  
demonstrat longam globi nostri existentiam et violentas in  
eo destructiones ope aquarum, ante hominis creationem?

Pro eo systemate, a pluribus sanctis Patribus indicato

et a D. *Frayssinous* exposito, sunt *Deluc*, *Cuvier*, *Neré-Boubée*, *Marcel de Serres*, etc.

4º Sunt qui volunt facta geologiae in sinu terrae observata et magnam antiquitatem supponentia, esse causarum naturalium effectus, regulares aut irregulares, qui, longis intervallis, ante creationem in Genesi descriptam sibi successerunt. Deus igitur, in hac hypothesi, ante mundi praesentis existentiam, plures efformasset creationes, quae, post durationem omnino ignotam, successive periissent. Ultima clade consummata, terram ad statum ingentis chaos redactam sumpsisset et totam creationem in Genesi narratam effecisset. Hinc facta geologica, mundo nostro antiquiora, narrationi Moysis nullatenus opponi possunt. Systema istud, quod *Perierius* excogitavit, defenditur a DD. *Buckland*, *Wiseman*, *Desdouits*, etc.

Circa valorem absolutum aut respectivum hujus vel alterius systematis, aut alii cuiuslibet excogitati vel excoigitandi, pronuntiare non intendimus: sufficit ut ostendatur multiplicata geologiae systemata, quae, secretario academie dictae l'*Institut*, anno 1806, referente, jam 80 numerabantur, narrationi Genesis non contradicere.

## II. Diluvium in cap. vii Genesis descriptum novis geologorum observationibus non adversatur.

Existencia magni cataclysmi a Moyse narrati, traditionibus populorum et multis geologiae factis confirmatur.

### 1º Traditionibus populorum.

In fragmentis Berosi Chaldae et Abydeni apud Eusebium (Prep. ev. l. 9, c. 11 et 12), et Syncellum servatis, reperitur historia diluvii evidentem habentis analogiam cum diluvio Genesis. In *Malabarata*, libro sacro Indorum, describitur diluvium, cuius existencia ultra quinque millia annorum non ascendit, et in multis simile est diluvio Moysis. In libris sacris Sinensium, praesertim in *Chou-King*, cap. 1, ejusdem generis narratur diluvium quod evenire debuit sub *Yao*, versus annum 2357 ante Christum. In opere dicto *Les Annales de Philosophie chrétienne*, t. XIII, p. 138,

referuntur vel indicantur testimonia in eundem sensum convergentia viginti et octo populorum. Qui antiquissima historiae nationum monumenta perscrutantur, quotidie alia inveniunt indicia generalis hominum persuasionis quoddam olim exstisse diluvium universale. Ergo 1º.

2º Illius existentia multis geologiae factis confirmatur. Passim enim inveniuntur in terra, super materias diversae naturae: 1º notabilia deposita arenæ marinæ et lapillorum volutorum (*des bancs de cailloux roulés*), quae nonnisi per aquas pelagianas sic adduci et deponi potuerunt; 2º conchæ aliaeque piscium maris et aquæ dulcis exuviae permixtæ, speciebus nunc existentibus correspondentes, modo sparsæ, modo cumulatæ in substantiis mobilibus, non longe a superficie terræ, in vallibus et usque in summitate montium; 3º fragmenta animalium animalibus nostris congenerum inter mobiles substantias (*terrains meubles*) coadunata, etiam in regionibus ubi talia animalia non vivunt; 4º multæ cavernæ et in rupibus fissuræ, in quibus acervantur promiscue terræ alluvionis, reliquiæ animalium et vegetalium diversarum specierum et regionum.

Multæ etiam reperiuntur moles minerales, quandoque ingentes, erraticæ (*blocs erratiques*), in plagiis longe distantibus a massis ex quibus excisæ sunt et quarum observantur translationis vestigia, ordinarie du Nord-Est au Sud-Ouest. Inveniuntur etiam valles denudationis, des vallées de dénudation creusées dans des plateaux élevés par l'action d'immenses courants, qui ont laissé à nu sur chacune de leurs parois les couches correspondantes du terrain violemment ouvert.

Hæc aliaque ejusdem generis facta nullis tribui possunt causis naturalibus ordinariis: at, generali diluvio a Moyse descripto semel admisso, facile explicari queunt.

Si enim torrens abundanti pluvia subito inflatus, arbores eradicet, domos evertat, ingentes arbores secum trahat, lapides volvat, etc., quid accidere debuit tempore diluvii a Moyse descripti? Nam rupti sunt omnes fontes abyssi magnæ, et cataractæ cœli apertæ sunt, et facta est pluvia super terram quadraginta diebus et quadraginta noc-

tibus... Et aquæ prævaluerunt nimis super terram, oporti-  
que sunt omnes montes excelsi sub universo cælo. Quindecim cubitis altior fuit aqua super montes quos operuerat.  
(Gen. vii, 11 et seq.) Per centum et quinquaginta dies  
non immunitæ sunt aquæ; vento agitatæ ibant et redi-  
bant; debuerunt terram profunde subvertere, arbores et  
plantas eradicare, saxa e montibus excidere, animalium  
corpora volvere, versus omnes plagas disperdere, promis-  
cue cum luto, arenis, conchis aliisque materiis infodere,  
modo per quemdam ordinem alias super alias ponendo,  
modo confuse et sine ordine. Cum nulla tunc existerent  
littora maris, pisces cuiuslibet generis super terram ierunt,  
sieque exuvias passim reliquerunt. Unde peritiores in re-  
bus physicis et naturalibus viri unanimiter nunc dicunt  
actualem globi nostri superficiem referendam esse ad epo-  
cham non longe distantem, et ad causam unicam, genera-  
lem, uniformem, violentam et subitam. Sie, inter alios,  
*Delac, André de Guy, membre de l'Institut (Moniteur des 30 et 31 décembre 1806), Dolomien, Cuvier, etc.* Sic se ha-  
bet *Cuvier, Discours sur les révolutions de la surface du globe*, p. 282 : « Je pense donc, avec MM. *Delac et Do-*  
« *lomieu*, que s'il y a quelque chose de constaté en géolo-  
» gie, c'est que la surface de notre globe a été victime  
» d'une grande et subite révolution dont la date ne peut  
» remonter beaucoup au-delà de cinq ou six mille ans;  
» que cette révolution a enfoncé et fait disparaître les pays  
» qu'habitent auparavant les hommes et les espèces d'a-  
» nimaux aujourd'hui les plus communes; qu'elle a, au con-  
» traire, mis à sec le fond de la dernière mer, et en a for-  
» mé les pays aujourd'hui habités; que c'est depuis cette  
» révolution que le petit nombre des individus épargnés  
» par elle se sont répandus et propagés sur les terrains  
» nouvellement mis à sec, et, par conséquent, que c'est  
» depuis cette époque seulement que nos sociétés ont re-  
» pris une marche progressive, qu'elles ont formé des  
» établissements, relevé des monuments, recueilli des faits  
» naturels et combiné des systèmes scientifiques. »

Artes, gubernia, popolorum corumque annales, monu-

menta et traditiones, terræ ad vegetationem idoneæ, et gle-  
barum palustrium augmentio, littorei arenarum tumuli et  
alluviones, montium depresso aliaque hujus generis ma-  
nifesta exhibent novitatis indicia. Ergo, nendum recentio-  
res celebrium geologorum observationes narrationi Moysis  
circa diluvium contradicant, eam, e contra, ex omni parte  
confirmant.

*Objicitur* tamen 1º incredibile esse Noe arcam, qualis  
describitur, fabricare potuisse; 2º impossibile fuisse in ea,  
juxta mensuras assignatas fabricata, saltem duo ejuscum-  
que speciei animalia, sive terrestria sive celestia, cum  
pabulis necessariis includere; 3º impossibile pariter fuisse  
cuncta animantia, fera et mansueta, quadrupedia, repti-  
lia, volatilia accersere, in aream introducere, collocare,  
nutrire, curare; 4º insufficientes fuisse aquas ut altissimi  
montes cooperirentur; 5º incredibile esse genus huma-  
num in diluvio generali periisse, siquidem inter multa bes-  
tiarum et plantarum fossilia, nulla reperiuntur humana.

*R.* 1º. Quidquid blasphemando et irridendo juxta mo-  
rem suum dixerit *Voltaire* (*Dict. philos. art. Déluge*), cer-  
tum est Noe arcam a Moyse descriptam fabricare potuisse.  
Centum enim habuit annos ad opus istud perficiendum;  
absurde diceretur ipsi defuisse aut materias convenientes,  
aut operarios necessarios, aut instrumenta requisita, etc.  
Multo quippe tempore anteā, *Tubalcain faber* fuerat in  
cuncta opera æris et ferri (*Gen. iv, 22*); ædificabantur  
domus et civitates (*ibid.*). Non minus insulsum esset con-  
tendere Noe ignorasse regulas ad stupendam hanc perfi-  
ciendam machinam sequendas: ex hypothesi enim quod  
eas ignorasset, propria industria illas, durante tanto tem-  
poris spatio, adinvenerire aut ab ipso Deo immediate dis-  
cere potuisset. Ergo 1º, etc.

*R.* 2º. Area, prout in cap. vi *Genesis* describitur, cuncta  
animalia cum pabulis et nutrimentis necessariis continere  
potuit; habebat enim 300 cubitos seu 500 pedes longitudinis  
(cubitus enim *Ægyptius*, quo probabiliten utebatur  
Moyses, erat 20 pollicum), 50 cubitos seu 83 pedes latitudinis et 30 cubitos seu 50 pedes altitudinis. Immensa

hæc capacitas per quatuor ordines (*étages*) divisa, abunde sufficere debuit ad continenda animalia et quæcumque includenda erant in area. In primo enim ordine, id est in carena, poterat esse aqua sufficiens ad annum; in secundo, omnia pabula pro cunctis animalibus; in tertio, omnia animalia terrestria, quorum primigenæ species non sunt valde numerosæ, et paucae sunt ingentes. Supponamus in medio, per totam longitudinem, spatium 15 pedum vacuum, 34 pedes adhuc remanebant in utroque latere. Spatium illud poterat iterum per totam longitudinem separari in duas partes, quarum unaquæque 10 pedes habuisset, et 14 pedes adhuc superfluissem vacui. Quatuor igitur existissent longitudines 500 pedum cum 10 pedibus latitudinis. Si 500 pedes per 6 dividuntur, 83 habebuntur maniacula seu stabula 6 pedes ex una parte et 10 ex altera habentia; 83 autem per 4 multiplicata, dabunt 332 stabula, certe multo vastiora proplerisque bestiarum speciebus: duo vel tria coadunari potuerunt pro majoribus, v. g. pro elephantis, camelis, etc. In quarto autem ordine, aves et volatilia facillime collocari potuerunt. Vide D. Calmet, *Dissert. sur l'arche de Noé*; Bergier, t. 5; Duclot, *Bible vengée*, t. 2; de Genoude, t. 1<sup>er</sup>, etc.

Thévenard, *vice-amiral*, in commentariis, quæ tempore reipublicæ Gallicanæ scripsit (4 vol. in-8°), speciebus animalium enumeratis, eorum pabulis æstimatis et ponderatis, demonstrat arcam a Noe descriptam omniahæc facile continere potuisse. (*Tribune catholique du 1<sup>er</sup> mai 1833.*) Ergo 2<sup>o</sup>.

R. 3<sup>o</sup>. Noe forsitan non potuisset, solis mediis natura- libus, cuncta animalia congregare, in arcam introducere, collocare, nutrire, curare; sed, Deo omnium domino interveniente, nihil sub his respectibus æstimari potest impossibile nec difficile. An omnes stricte species collegerit Noe, non intendimus definire. Deus, pro rationibus sibi notis, permettere potuit ut quedam species extra arcam relietæ perierint ac penitus sint extinctæ; sed nihil inde contra nos inferri potest: non deerat spatium in arca. Ergo 3<sup>o</sup>, etc.

R. 4<sup>o</sup>. Deus exhibetur in Genesi ut causa efficiens diluvii: at certe Deus tale diluvium efficere potuit: ex hypothesi quod aquæ existentes non sufficerent, alias in quantitate requisita creare easque postea annihilare, vel in novos abyssus præcipitare potuisset. Verum non necesse est ad novam creationem aquarum recurrere: Deus enim potuit aquas existentes dilatare, vim gravitatis suspendere vel mutare, fundum maris sublevare, aquas ejus latissimas et profundas in terras pulsare, vehementer agitare, omnia cooperire et subvertere, etc. Ergo 4<sup>o</sup>, etc.

R. 5<sup>o</sup>. Homines ante diluvium nondum erant numerosi, saltem respectu animalium; insuper habitabant præcipue regiones in centro Asiæ, ubi paucae admodum hucusque facte sunt investigationes geologicæ: non mirum ergo si inter alia vegetalium et animalium fragmenta apud nos in visceribus terræ inventa, non reperiuntur fossilia humana.

Insuper, plures hodierni sagacissimi observatores prætendunt se invenisse, non quidem fossilia humana in ru- pibus incrustata, sed humanas reliquias (*des débris humains*) in mobilibus substantiis, in antribus et cavernis cum aliis fragmentis jacentes. Vide præsertim *Huat*. Ergo 5<sup>o</sup>, etc.

*Nota.* Quidam dixerunt diluvium fuisse locale, non vero universale. Sed hæc opinio adversatur, 1<sup>o</sup> physicis legibus, vi quarum liquidi æqualitatem altitudinis servant; 2<sup>o</sup> circumstantiis a Moyse descriptis: si enim aquæ totam cooperire non debuissent terram, ad quid constructio arcæ et in ea omnium animalium collectio? 3<sup>o</sup> verbis expre- sis Genesis, vi, 7: *Delebo, inquit Deus, hominem quem creavi a facie terræ, ab homine usque ad animantium, a reptili usque ad volucres cœli: pœnitet enim me fecisse eos;* et VII, 21: *Consumptaque est omnis caro quæ movebatur super terram, volucrum, animantium, bestiarum, omniumque reptilium quæ reptant super terram, universi homines et cuncta in quibus spiraculum vitæ est in terra mortua sunt.* Ergo, etc.